

I'TIKAAF

Définition:

Le mot I'tikaaf littéralement signifié reste engagé dans une certaine action. D'après shariah ça veut dire rester dans le masjid.

I'tikaaf pendant les derniers dix jours de Ramadhaan

Rassouloullah SAW fine observe I'tikaaf pendant les derniers dix jours de ramadhaan. Li fine faire ça régulièrement tous les années apart une seule année ki li pas ti faire et ti remplace li dans le mois shawwaal. Ça fine amène banne juristes et banne 'Oulama pou conclure ki li sounnat mou'akkadah.

L'importance Sounnat Mou'akkadah

Néglige une sounnat mou'akkadah li une péché. C'est une péché impé moins grave ki péché néglige une waajib ou une faraz. La différence c'est une différence technique ki servi zisse pou différencié entre plusieurs catégories de pratique mais en li même li très important. Acoze ça faudré pas servi ça différence de gravité-là comme une l'encouragement ou une prétexte pou néglige une sounnat parceki ça tigitte-là aussi li bien néfaste en li même. A noté ki néglige une sounnat mou'akkadah régulièrement li une indication de légèreté dans Deen et manquement de mouhabbat pou nou bien-aimé Nabi Mouhammad SAW. Pli une dimoune ena l'habitude néglige ça, pli so péché continué vine grave. Ça explication-là li applique pou tou sounnat mou'akkadah en général.

Mais I'tikaaf pendant les dix derniers jours li une sounnat ki pas applique lors chaque individu parceki dans l'époque Nabi SAW ti ena une quantité Sahaba-e-Kiraam ki pas ti faire li et Nabi SAW pas fine faire aukene remarque lors zotte. Ça amène nou pou comprendre ki c'est une responsabilité et une devoir ki capave déchargé et acquitté par une parti de banne habitants de une localité. Ça une parti-là li capave une seule personne aussi. Donc si une personne aussi faire li alors tous banne habitants de ça localité-là pou acquitté de zotte responsabilité. Sinon zotte tous pou coupable. Ça genre de sounnat-là appelle sounnat mou'akkadah alal kifayah.

Règlements général concernant I'tikaaf

Etant donné ki I'tikaaf veut dire rester dans le masjid continuellement, alors une personne ki dans I'tikaaf li bizin pas sorti depi dans le masjid excepté pou banne besoins naturel et indispensable ki pas capave faire dans le masjid couma aller toilette, faire wazou en cas wazou fine cassé et sorti pou faire ghussal si ghussal fine cassé. Coumsa même si une dimoune fine sorti en dehors le masjid pou donner azaan, alors ça aussi li une raison valable ki pas casse I'tikaaf.

Ki veut dire Masjid ?

Pou le besoin de I'tikaaf, le masjid signifié ça l'endroit ou l'espace ki fine être désigné comme jamaat khana par l'autorité concernée. Donc une personne dans I'tikaaf li bizin continué rester dans ça l'espace ki nou appelle jamaat khana. Alors li pas pou en droit sorti dans la varangue ou vine dans sahan ou bien cote wazou khana. Si li fine sorti en dehors le masjid sans une raison valable, alors so I'tikaaf pou annulé.

Sorti depi dans Masjid par oubli

A noté ki sorti depi dans le masjid par oubli aussi li annule I'tikaaf. Coumsa même si fine bizin amène li l'hôpital, alors ça aussi li annule so I'tikaaf.

Ki bizin faire si I'tikaaf fine annulé ?

D'abord bizin conné ki ena gounah et péché dans casse I'tikaaf pendant les derniers dix jours de ramadhan. Apart faire istighfaar, la personne li bizin remplace I'tikaaf-là aussi. Mais li ena droit remplace neque ça jour ki so I'tikaaf ti cassé. Li pas nécessaire remplace tous les dix ou neuf jours. Mais li pli bon et li sounnat pou remplace tous les dix jours ou neuf jours après le roza de ramadhan. Li bizin garder roza aussi quand li remplace so I'tikaaf.

Pour gagner plus de détails référez ou a nous site: <http://www.jamiat-ul-ulama.org>



JAMIAT-UL-ULAMA DE MAURICE

Cnr. Penang & Sumatra Street, Port Louis, Mauritius,

Tel: 240-0439 / <http://www.jamiat-ul-ulama.org>

Emails: jamiat@intnet.mu / jamiathalal@myt.mu

